



*Jumat, 17 Nopember 2023*

**Ogen: Lukas 1: 43-45**



**Nandai Diri**



**N**andai diri seh kal perluna, sabap e salah sada guna jadi kalak pentar sabap ietehna ise ia dengen kuga kelebihan ras kekurangenna. Alu bage, itandaina kalak sideban seh maka ngasup ngergai kalak sideban i bas kelebihan ras kekurangenna. Kalak sinandai dirina, pasti seh ia ku bas kinteruken ukur labo ku bas 'rendah diri' kedungenna dikune itandaina mbue kelebihenna rendah ka iakapna kalak sideban maka turah kiniganjangen rukur. Labo bage arusna, nandai diri ngasup ncibalken kerinana i bas inganna, subuk dirina bage pe kalak sideban. Amin banci saja lit belas-belasta kerna nandai diri enda, megati nina orangtuanta 'tanda banta nakku' banci ndabuh ku bas pesimis lanai erpengarapen, gelah ula meganjangsa sura-sura. Tapi banci ka ngajuk anak jabunta guna rusaha, erjuang, kerja keras ula mekisat.

Nandai diri ertina 'kengasupen sekalak jelma i bas 'memahami, mengerti dan menerima perasaan, pikiran, pengalaman serta nilai dirinya.' Kengasupen si bage la terjeng guna dirina tapi pe i bas ngenen kalak sideban. Alu kata sideban rembang Tengah ia i bas rukur ras muat keputusan. Bagenda me Elisabet i bas jumpa ras Maria. La ndobah tuan ia asangkan Maria, ndehara sekalak imam, tapi ietehna ncibalken dirina tentua rikut penggejapen ras kinitekenna kerna Dibata. Teruji dirina selaku kalak si erkiniteken, meteh perbahanen Dibata si mbelin arah diri Maria. Nande Tuhan reh ndahi ia, penggejapenna luar biasa, kemuit anak i bas bertinna. Elisabet megermet nandangi si jadi i bas dirina ras iaminkenna rikut ras kinitekenna. Bage pe ngasup ia mewakili perukuren Maria, ermalem ate kalak si i bas dirina jadi sura-sura Dibata. Kai siiberitaken malekat e tuhu jadi, labo hoax. Bage min kita i bas kegeluhenta, penandai dirinta la saja iadepen Dibata bage pe ibas hubungenta ras kalak sideban.

➤ *Iberekén Dibata kíta kepentaren ngasup nandai diri ras ncibalkén*